

CONVOCATORIA DOS V PREMIOS A TRABALLOS FIN DE MÁSTER EN EDUCACIÓN DAS ÁREAS QUE COMPOÑEN O DEPARTAMENTO DE PEDAGOXÍA E DIDÁCTICA DA USC

BASES

Primeira. OBXECTIVO E ÁMBITO DE APLICACIÓN

Co obxectivo de promover, fomentar e recoñecer os **Traballos de Fin de Máster en Educación** do alumnado dos mestrados vinculados ás áreas de coñecemento do Departamento de Pedagogía e Didáctica da USC: *Máster Universitario en Dirección de Actividades Educativas na Natureza; Máster Universitario en Investigación en Educación, Diversidade Cultural e Desenvolvemento Comunitario e Máster Universitario en Procesos de Formación*, o Departamento de Pedagogía e Didáctica da USC convoca a quinta edición destes Premios.

Segunda. DESTINATARIOS/AS

Poderán presentarse a estes premios todos/as os/as estudantes matriculados/as na USC que teñan defendido durante o **curso académico 2024/2025** un **Traballo de Fin de Máster (TFM)**, e teñan sido cualificados cunha puntuación de polo menos **nove (9) puntos**, no *Máster Universitario en Dirección de Actividades Educativas na Natureza; Máster Universitario en Investigación en Educación, Diversidade Cultural e Desenvolvemento Comunitario*, e *Máster Universitario en Procesos de Formación*, e que a titoría do traballo a realizara algún dos profesores e profesoras das áreas de coñecemento do Departamento de Pedagogía e Didáctica: Didáctica e Organización Escolar, Métodos de Investigación e Diagnóstico en Educación, e Teoría e Historia da Educación.

Terceira. PREMIOS

Outorgaranse tres premios e mesmo un accésit, se fose o caso, a xuízo do Xurado, coas seguintes contías (sen ter en conta as retencións establecidas):

1º Premio Fin de Máster en Educación 2024-2025 Importe: 650 €

2º Premio Fin de Máster en Educación 2024-2025 Importe: 450 €

3º Premio Fin de Máster en Educación 2024-2025 Importe: 300 €

Accésit (a xuízo do Xurado) por importe de 200 €

Non se poderá conceder máis dun premio por cada unha das categorías establecidas.

No caso de que o xurado considere que ningún dos traballos presentados acada un nivel axeitado podería declararse deserto o premio en todas ou nalguna das categorías anteriormente sinaladas.

O pagamento realizarase por transferencia bancaria á conta do beneficiario ou beneficiaria con cargo á partida orzamentaria do Departamento de Pedagogía e Didáctica 2025 (2025-21A3-3000-64600).

Cuarta. SOLICITUDES

As persoas interesadas en participar nestes premios deberán presentar, en tempo e forma, a súa solicitude (formulario do Anexo I cumprimentado) de xeito presencial na Sede Administrativa do Departamento (Facultade de Ciencias da Educación-Campus Vida), ou enviando a devandita solicitude por correo electrónico a **departamento.pedagogiaedidactica@usc.es** indicando en asunto “V Premios a Traballos Fin de Máster en Educación da USC 2024-2025”. A solicitude irá dirixida á dirección do Departamento de Pedagogía e Didáctica da USC, xunto coa seguinte documentación:

- Un exemplar do TFM en formato PDF e soporte USB (pendrive) no caso da entrega presencial na Sede do Departamento.
- Se a solicitude se enviase por e-mail, chegará con enviar como ficheiro adxunto unha copia do TFM en formato PDF.

Nos días seguintes ao remate do prazo de presentación de solicitudes informarase, mediante a publicación dunha lista provisoria daqueles/as solicitantes admitidos/as e excluídos/as.

As/os aspirantes excluídas/os, disporán dun prazo de cinco (5) días hábiles, contados a partir do día seguinte da publicación desta, para poder emendar os defectos que motivaron a exclusión.

O Cronograma de prazos que rexe esta convocatoria está indicado no Anexo II.

Quinta. PRAZO DE PRESENTACIÓN DE SOLICITUDES

O prazo de presentación abrírase ao día seguinte da publicación da presente convocatoria no taboleiro electrónico de anuncios da USC e pecharase o 16 de outubro de 2025, ás 14:00 horas.

Sexta. XURADO

O Xurado dos Premios estará composto polas seguintes profesoras/es das titulacións de máster do departamento:

Titulares:

Presidente: David García Romero
Secretaria: Antonio García Vinuesa
Vogal: Aixa Permuy Martínez

Suplentes:

Presidente: Leticia López Castro
Secretaria: Gabriela Dolores Miguez Salina
Vogal: José Pablo Franco López

Criterios de valoración:

- A orixinalidade do traballo (25%)
- As novidades das súas achegas ao coñecemento dos temas estudados (25%)
- A actualidade e calidade da súa metodoloxía (25%)
- As calidades formais dos textos: calidade da redacción, xeito de presentar e estruturar a información e calidade do aparato gráfico, caso de existir (15%)
- Documentación e/ou bibliografía utilizada (10%)

O fallo do xurado farase público, a través da correspondente resolución no taboleiro electrónico de anuncios da USC e na páxina web do Departamento (<https://www.usc.gal/gl/departamento/pedagogia-didactica>), e mesmo noutros medios que se estimen oportunos.

Todos os actos derivados da presente convocatoria publicaranse na web do Departamento (<https://www.usc.gal/gl/departamento/pedagogia-didactica>), e mesmo noutros medios que se estimen oportunos.

A participación no concurso implica necesariamente a aceptación do que se expón nestas bases.

En Santiago de Compostela, a 19 de setembro de 2025

María del Mar Sanjuan Roca
Directora do Departamento de Pedagogía e Didáctica

ANEXO I

Formulario de Solicitud de Participación nos V Premios a Traballos Fin de Máster en Educación (Departamento de Pedagogía e Didáctica da USC)

Nome e apelidos:

DNI:

Título do TFM:

Director/a do TFM:

Data de Defensa do TFM:

Denominación do Máster:

Teléfono (móbil) de contacto:

Correo electrónico:

En _____, a ____ de _____ de 2025

Sinatura do/a interesado/a:

Dirección do Departamento de Pedagogía e Didáctica da USC

ANEXO II

Cronograma

Inicio do prazo de presentación de solicitudes	Abrirase ao día seguinte da publicación da presente convocatoria no taboleiro electrónico de anuncios da USC
Remate do prazo de presentación de solicitudes	16/10/2025
Publicación lista provisoria de solicitantes admitidos/as e excluídos/as	21/10/2025
Remate do prazo para a corrección de erros e/ou defectos	28/10/2025
Publicación lista definitiva de solicitantes admitidos/as e excluídos/as	30/10/2025
Constitución do xurado que valorará o traballos presentados	31/10/2025
Publicación da Resolución Final dos premios	18/11/2025